

A Ady ho an'ny fahamarinana:

❖ Fahamarinana vs. lainga.

- Jesosy no Fahamarinana ary noho izany rain'ny fahamarinana rehetra (Jaona 14:6). Ny marina rehetra, izay azo itokiana rehetra, izay zavatra marina rehetra, dia avy Aminy. Ary ny fahamarinany no miteraka fiainana ao anatintsika.
- Mifanohitra amin'izany, i Satana no rain'ny lainga (Jaona 8:44). Ny fitaka rehetra, ny hafetsen-dratsy rehetra, ny fanolanana fahamarinana rehetra dia avy aminy. Ary ny laingany no miteraka fahafatesana ao anatintsika.
- Tamin'ny fifanandriny tamin'ny fahavalo, dia nampiasa ny Baiboly ho loharanon'ny fahamarinana rehetra i Jesosy: “Voasoratra hoe” (Mat. 4:4; 21:13).
- Noho izany, dia nanao izay handravana ny Baiboly ny devoly, na tamin'ny fanafenanana azy izany na tamin'ny fanolanana azy.

❖ Ny marimaritra iraisana ao amin'ny Fiangonana.

- Raha nanao veloma ny anti-panahy tao Efesosy i Paoly, dia naneho ny fanahiany momba ny olana ivelany sy avy ao anatiny izay hatrehin'izy ireo amin'ny hoavy (Asa 20:29-30).
 - (1) Amboadia masiaka. Nanomboka tamin'ny taona 64 ka hatramin'ny 311 (didy momba ny fandefarana natao tao Serdica), dia niharan'ny fanenjehana mivaivay avy tamin'ny Fanjakana Romana ny Fiangonana.
 - (2) Olona mpandainga. Nanomboka tamin'ny taonjato faha-4 dia olona tsy niova fo maro no nampidirina tao amin'ny Fiangonana ka nampifangaro ny fanompoan-tsampy tamin'ny fahamarinana.
- Nampiasa ny paikadiny “anatiny” i Satana mba hanimbana ny fahamarinana sy hampidirana ny fanompoan-tsampy ary ny fitandremana ny Alahady ao amin'ny Fiangonana.
- Araka ny faminanian'i Paoly, dia nekena ireo fahadisoana ireo, ary hitoetra hatramin'ny farany eo amin'ireo izay tsy manam-paniriana hahalala ny marina (2 Tes. 2:7-12). Ny ady farany dia mifototra amin'ny fanolanana ny Sabata.

B Ady ho an'ny Tenin'Andriamanitra:

❖ Fiarovana ao amin'ny Baiboly.

- Fanambarana tsy mety diso ny sitrapon'Andriamanitra ny Baiboly. Maneho ny drafitry ny lanitra ho famonjena ny olombelona izany.
- Noho izany, dia mifototra amin'ny Baiboly irery ihany ny fiarovana ho antsika, dia ao amin'ny boky tsirairay, ny toko ary andininy tsirairay (2Tim. 3:16).
- Ao no ahitantsika ny tetikadin'ny devoly; ny famoronana; ny fahaterahana, ny fiainana, ny fahafatesana, ny fitsanganana amin'ny maty ary ny fanelanelanana ataon'i Jesosy; ny famelan-keloka; ny Fiaviany Fanindroany; ny fiainana mandrakizay any amin'ny Tany Vaovao...
- Raha mandà ny ampahany amin'izany isika (ohatra, ny tantaran'ny Famoronana ao amin'ny Genesisy 1 sy 2), dia mety handà izay rehetra ampianariny ao. Ary... inona no fiarovana ananantsika ahazoantsika mitoky ny sisa ao amin'ny Baiboly?

❖ Fisainan'olombelona.

- Raha tsy miaraka amin'ny fanampian'ny Fanahy Masina, dia tsy misy olona afaka handika marina ny Baiboly satria “ny olona izay araka ny nofo ihany dia tsy mba mandray izay an'ny Fanahin'Andriamanitra; fa fahadalana aminy izany sady tsy azony, satria araka ny Fanahy no amantarana izany.” (1Kor. 2:14; 2Pet. 1:20).
- Ohatra iray amin'ny fomba fisainan'olombelona: ny fandinihany araka ny fanakianana avo lenta izay fandavana ny fahagagana sy ny tsy fahafahana mahafantatra ny ho avy. Amin'izany fomba izany, inona moa no tombontsoa ho azontsika avy amin'ny tenin'Andriamanitra raha mandà ny heriny na ny fahafahany mahafantatra ny hoavy miandry antsika isika?
- Tsy isalasalana fa mamolavola lalana toa mahitsy ny fahavalo, nefa fahafatesana no hiafarany (Ohab. 16:25).

D Ady ao amin'ny saina.

- ❖ Ny tsy fahalalan'ireo very dia tsy vokatry ny tsy nahafahany mahalala tsy akory. Avy amin'ny tsy finiavany hahalala izany. Nofenin'ny devoly amin'ny zavatra maro izay manakana azy ireo tsy hieritreritra izay tena manan-danja ny sainy: ny famonjena azy ireo.

- ❖ Nefa tsy misy na dia iray aza voatery hitoetra amin'izany toerana izany. Rehefa ao anaty haizina arapanahy ny saina, dia misy hazavana afaka sy hamirapiratra ao aminy: “Ny mazava [Jesosy] dia mamirapiratra ao amin'ny maizina; fa ny maizina tsy nandray azy.” (Jaona 1:5).
- ❖ Isika izay manaiky io fahazavana io dia afaka mandrava ny asan'ny fahavalo, ary mampamirapiratra ny fahazavan'i Jesosy ao anatin'ny haizina.